





30 tur Jura per Butrium allegata. Pro qua conclusione facit secundum Abbatem: quia dispensatio non est stricti Juris respectu dispensantis: imò quid favorabile, cum sepe dispensatio sit necessaria & debita, ut notatur in capite *Ut constituitur* & capite *Domino Sancto 50. distinctione* in capite *Exigent* & capite *Dispensationes 1. quastione 7. & tradit Antonius de liturio in capite Nisi cum pridem, §. Persona vero, num. 36. de renunciatione*. Primam tamen opinionem Butri conatur ueri Aretinus & Decius in dicto §. *De adulterio* & pro eis facit Decretum Concilii Tridentini in capite *5. sessione 24. De reformatione Matrimonii* ubi dicitur posse dispensari cum his qui bona fide & solemniter adhibitis in gradu prohibito Matrimonium contraxerunt; & in secundo gradu inter magnos Principes & ob publicam causam; & hic Concilium permittit dispensationem non posse dispensare: presertim in secundo gradu, capite *Deus qui infra de divortio*, glossa in capite *Proposuit* in verbo *Dispensare de concessione prebendarum*.

31 Daos autem & viginti casus in quibus possunt & unde viginti in quibus non possunt Episcopi dispensare, recensent hic Innocentius, num. 2. Hostiensis, num. 3. Joannes Andreas, num. 1. in fine, Butrius, num. 17. Cardinalis, num. 4. De quibus in speculatione in titulo *de dispensatione*, §. *Nunc de Episcoporum*; Et ex his aliquos concedit Ecclesia quos negat Innocentius; & aliquos concedit Innocentius quos negat Ecclesia, ut hic per Abbatem, num. 7 & de his conuile Siluestrum in verbo *irregularitas* & filius Navar. in *Manuali* capite 27.

32 Hodie verò ut superius tetigimus ex Decreto Concilii Tridentini in cap. 6. *sessione 24.* licet Episcopi in irregularitatibus omnibus & suspensionibus ex delicto occulto provenientes dispensare, excepta ea quæ oritur ex homicidio voluntario, exceptis aliis deductis ad forum contentiosum & in quibuscumque casibus occultis etiam Sedi Apostolicæ reservatis delinquentes quoscunque sibi subditos in Diocesi sua per se ipsos aut Vicarium ad id specialiter deputandum in foro conscientie gratis absolvere; idemque in crimine hæresis eia tantum; non autem eorum Vicarius est permiffus.

33 Nec refert quòd Hostiensis in capite *Nisi cum pridem*, num. 74. in verbo *Culpa latet*; & post eum Joannes Andreas num. 53. *suprà de renunciatione*, dicant peccatum latens non inducere irregularitatem in qua requiritur Prælati dispensatio; sed irregularitatem etiam illius culpa lateat: bene requiritur dispensationem, quia hoc verum non esse constat aperte ex Decreto, dicto capite 6. ubi apparet ex delicto occulto provenire irregularitatem in qua Superioris dispensatio requiritur; multa enim sunt crimina que utcumque occulta impediunt Ordinis executionem: etiam post peractam penitentiam, capite *Inquisitionis*, *infra de accusatione*, dicto capite, *Nisi cum pridem*, §. *Propter conscientiam*, ut ibi dixi; atque ita indulum Concilii non est inutile.

34 Porro ex sententia Sacre Congregationis Concilii Episcopi illarum Regionum in quibus Concilium adhuc receptum non est: non possunt uti facultate in hoc Decreto concessa. Nec Prælati Regularium atque alii Abbates Jurisdictionem habentes quasi Episcopalem & Sedi Apostolicæ immediate subiecti; sed tantum Episcopi.

35 De Cardinalibus autem qui habent titulos Ecclesiarum Urbis, cum dubitatum esset an possent in suis Ecclesiis Titularibus & in earum subditis uti illis facultatibus quæ à Concilio Tridentino tribute sunt Episcopis in suis Civitatibus & Diocessibus; & specialiter illis que comprehenduntur hoc Decreto: discussio articulo Gregorius XIII. dixit se nolle ea que Episcopis concessa sunt à Concilio Tridentino competere Cardinalibus in suis titulis, quia licet habeant quasi Episcopalem Jurisdictionem: ibi tamen verè & propriè Episcopi non sunt. Quod dictum interpretata est Sacra Congregatio, approbante Summo Pontifice quoad facultates concessas Episcopis à Concilio. Unde extra illas salva manebit Jurisdictio Cardinalium in suis titulis, prout Doctores illis attribuunt in capite *His que de majoritate & obedientia*.

36 Sed quaeritur an Episcopus possit dispensare in irregularitate proveniente ex mutilatione membri in casibus occultis ex decreto *dist. cap. 6. sess. 24.* Non videtur, quia cum à Concilio excipiatur ea irregularitas, quæ provenit ex homicidio voluntario, videtur etiam excepta irregularitas quæ provenit ex membri mutilatione que illi æquiparatur, ut per glossam in *Clem. 1. in verbo Mutilat, de homicid.* Sed contrarium respondit Sacra Congregatio ejusdem Concilii interpretans ab Episcopo Cremonensi consultam; quia æquiparatio homicidii & mutilationis ibi fit quoad incurrandam ipsam irregularita-


tem. At præterea questio est quoad facultatem dispensandi super ea. Et quamvis Summus Angel. in verbo *homicidium*, §. *nam. 3.* videatur sentire idem etiam quoad dispensationem. Tamen gloss. in *d. Clem.* loquitur tantum quoad ipsam irregularitatem & ita quoque Hermanetus sentit.

37 Sed numquid Episcopus facultate sibi tributa in *d. cap. 6. sess. 24.* in casibus occultis post Concilium ex nova lege Sedi Apostolicæ reservatis etiam cum clausula, *non obstantibus*, absolvere possit. Sacra Congregatio censuit non posse. Et in specie cum dubitatum fuerit, an Episcopus & Inquisitores possint hodie ex *d. cap. 6. sess. 24.* absolvere lapsos in hæresim nonobstante bulla *Cornæ Domini*; censuit eam bullam derogasse decreto cap. 6. Unde frustra nonnulli ex recentioribus Theologis hunc articulum in controversiam adducunt, cum habeamus claram determinationem Sacre Congregationis. Præterea cum dubitaret Archiepiscopus Florentinus an vigore cap. 6. *sess. 24.* possit absolvere quandam Monachum, que occultè & ad malum finem fregerat clausuram, nonobstante bulla *Pii V.* quæ videtur habere locum in casu publico: variatum est sententia: nam ex decem Cardinalibus, tres contra fuerunt bullam intelligendam esse etiam in occultis, quia illius verba sunt generalia & est tantum exceptus casus nisi in mortis articulo, &c. Et quia jam declaratum bullam eam Domini, quæ prohibet ab aliis absolvi, habere locum etiam in occultis, & quia eam bulla fit concessa post Concilium, censetur derogare Concilio. Quatuor censuerunt eam bullam non habere locum in casibus occultis. Reliqui autem tres dixerunt agendum cum Sanctissimo, qui declaravit bullam *Pii V.* habere locum etiam in occultis. Tamen concessa facultatem Archiepiscopo absolvendi illam Monachum. Unde postea S. Congregatio generaliter consultam, an si Monachus alicujus Monasterii jurisdictioni Regularium subiecti secretò deliquerit in materia clausuræ, in foro conscientie absolvi possit vigore ejusdem decreti ab Episcopo, cui tanquam delegato in his que ad clausuram pertinent, auctoritas tributa est decreto *c. 5. sess. 25. De Regular.* itante predicta Bulla *Pii V.* respondit non posse. Episcopo autem lapsò in aliquod delictum, de quo in *dist. cap. 6. sess. 24.* ex sententia Sac. Congregationis licet ad se absolvendum proprium ipsius Confessorium deputare cum eadem auctoritate quam ipse possit, ex eodem *c. 6.* in alios sibi subditos exercere, etiam si Episcopus Romæ esset, & sic extra suam Diocesim.

38 Sed cum esset questum, an forensis, qui habet domum & commoratur in civitate vel Diocesi, diceretur subditus Episcopo illius civitatis vel Diocesis, cum ibidem Ecclesiastica Sacramenta percipere teneretur; & ita an ab eodem Episcopo absolvi possit in casibus dicti cap. 6. quamvis crimen sit alibi commissum: Gregorius XIII. audita relatione Congregationis declaravit posse absolvi in Sacramento penitentis ab illo Episcopo, in cujus civitate vel Diocesi commoratur, sed non dispensari.

39 Nec postea probavit Gregorius distinctionem Abb. in cap. *Omnis utriusque, de panis. & remiss.* nam suborta dubitatione, an dispositio Concilii Tridentini in *d. cap. 6. sess. 24.* quòd liceat Episcopis in quibuscumque casibus occultis etiam Sedi Apostolicæ reservatis delinquentes sibi subditos in Diocesi sua in foro conscientie gratis absolvere, comprehendat forenses fungentes Prætoris vel Medici officio & commorantes in civitate vel Diocesi, adeò ut tanquam subditus, ex quo ibi Ecclesiastica Sacramenta percipere teneretur, debeat ceteri: Sac. Congregatio censuit Episcopum posse hos absolvere tanquam vere subditos ex facultate ei attributa, *d. c. 6.* posse item dispensare quando est materia conjuncta, nempe idem factum in eadem persona concurrentes, ex quo & peccatum & irregularitas incurratur, ex doctrina Abb. in capite *Omnis utriusque*, num. 23. *de penitent. & remiss.* Verum relatà ad Gregorium XIII. Congregationis sententiam, Sanctitas sua dixit posse Episcopum absolvere dumtaxat in Sacramento penitentis, non autem dispensare.

40 Sed quaerens an delictum coram uno; aut duobus testibus dicatur occultum, adeò ut Episcopus cum delincente possit dispensare in foro conscientie, juxta *dist. cap. 6. s. Congregatio* hac de re consultam censuit hoc pendere ex dispositione juris communis. Postea tamen cum dubitatum esset an absolutus & dispensatus à proprio Episcopo in materia delicti perpetrati coram duobus, vel tribus testibus, quod tamen non fuit notorium, esset tutum in conscientia: Respondit non esse tutum, quia Concilium utitur termino, occulto, quod propriè loquendo est illud, quod probari non potest. Abb. in *c. Vestra de cohab. Cler. & Mulier.* At per duos testes probari potest & verba Concilii debent accipi secundum proprietatem.



# DE ORDINATIS AB EPISCOPO, QUI RENUNCIAVIT EPISCOPATUI.

Alexander III. Toletano Archiepiscopo.

## CAPUTI.

Requirivit à nobis tua fraternitas, utrùm Clerici, qui post renunciationem factam à prædecessore tuo Ordines receperunt, in ipsis debeant remanere: & infra Respondemus igitur distinguendo, utrùm renunciaverit loco tantum, an loco simul & dignitati: nam in primo casu Ordines (sicut antea) rogatus ab Episcopo aliquo poterit de ratione conferre: In secundo verò casu distinguendum putamus, utrùm Sacros contulerit an Minores. Si enim à tali Ordines usque ad Subdiaconatum aliquis acceperit: quia & hujusmodi Ordines à non Episcopis quandoque conferuntur, & in illis deservire poterit, & ad majores (si idoneus fuerit) promoveri. Sanè si ab eodem sacros ordines scienter quis receperit, quia indignum se fecit, executionem officii non habebit: ubi autem non scienter, poterit (nisi crassa & supina fuerit ignorantia) discretus Pontifex dispensare.

## SUMMARIUM.

- Episcopus, qui renunciavit loco tantum, invitatus potest ordinare sicut prius. Si verò & dignitati, eandem executionem recipere non potest, & n. seqq.
- Dispenjat Episcopus, cum ordinat ad minores vel honoranter ad sacros ab Episcopo, qui renunciavit loco, & dignitati, ibidem.
- Ordinis potestas per resignationem Episcopi mortificatur, sed non funditus moritur.
- Character Episcopalis animæ infusus à Deo per ministerium hominis deleri non potest, & n. 34. & seqq.
- Resignatio non subtrahit Episcopo Ordinem, sed executionem.
- Ordini renunciare quid importet.
- Episcopus, qui renunciavit Ordini, potest de licentia Papæ executionem recipere sine nova consecratione.
- Character Ordinis, habitus, & exercitium qualiter considerentur in ordinando.
- Episcopatus an sit Ordo Sacramentalis imprimis characterem, latissime discutitur usque in finem.
- Opinio eorum qui dixerunt Episcopatum non fuisse à Christo institutum, refellitur tanquam erronea, & n. 69. & seqq.
- Episcopatum non esse Ordinem, prout est Sacramentum, sed prout est officium, & potestas ad actiones hierarchicas, qui auctores sentierunt.
- Ordo Episcoporum quadrupartitus est, & n. 70.
- Concilium Florentinum, & Tridentinum expenditur pro sententia Theologorum, & n. 78.
- Ordo non requirit characterem alterius Ordinis ex necessitate Sacramenti, & n. 81.
- Ordinatus in Presbiterium omnimò Diaconatus, vel Subdiaconatus recipit characterem, licet non Ordinis executionem.
- Episcopalis consecrationis fundamentum est Sacerdotium, sine quo nihil recipitur. Contrarium, num. 27. Declaratur, num. 81.
- Ordinis Sacramentum confertur in Sabbatis quatuor Temporibus; Episcopatus verò tantum in Dominicis.
- Episcopi consecratio non fuit instituta immediate à Christo. Contrarium num. 68. & seqq. & n. 85.
- Jacobus frater Domini fuit primus Episcopus ab Apostolis ordinatus, & n. 85.
- Evangeliorum liber non potuit esse materia consecrationis Episcopalis ante obtinuit Christi, & cur, & n. 86.
- Ordo, secundum quod est Sacramentum, ordinatur spiritualiter ad Sacramentum Eucharistiam. Declaratur, num. 88. & seqq.
- Episcopus quoad Sacramentum Eucharistie non habet potestatem superiorem simplici Sacerdote. Declaratur, num. 88. & n. 92. & seqq.
- Ordinum distinctio est propter Altaris sacrificium, post cujus consummationem ulterius non est ordo, & n. 88. & 93.
- Contrarium 90.
- Ordo duplex, & de quo ordine intelligantur Canonici loquentes de ordine, & ordinatione Episcoporum.
- Ordines hierarchici tres à Divinis assignantur, & n. 41.
- Episcopi potestas quamvis sit indelebilis, tamen non habet rationem caræheris.
- Episcopatum esse Ordinem Sacramentalem, sed non distinctum ab Ordine Sacerdotali, qui Theologi tradiderunt.
- Ordinem Episcopalem imprimere characterem, & non esse Sacramentum, non computantur.
- Character Sacerdotalis in impositione manuum extenditur ad potestatem ligandi, & solvendi. Contrarium num. 91.
- Ordo unus est eminentior alio, secundum quod proximus ordinatur ad Sacramentum Eucharistie, & n. 88.
- Actus conferendi Eucharistiam, qui ad Sacerdotem pertinent, est principalior & nobilitior, quam actus conferendi Ministris, qui pertinet ad Episcopum, & numer. 93.
- Finis est potior iis, quæ sunt ad finem.
- Ordo Episcopalis est superior Presbiteriali, & n. 93.
- Canonista in quo differant ab opinionibus Theologorum circa ordinem Episcopalem.
- Potestas, quæ confertur Episcopo in consecratione, an attingat rationem characteris, & numero sequenti.
- Potestas conferendi minores Ordines, quam accipit Abbas in impositione manuum, potest in totam ab Ecclesia auferri.
- Abbas benedictus ordinandus post Ecclesie prohibitionem, seu mandati revocationem, non imprimi characterem.
- Papa potest facere de Monacho non Monachum.
- Consecratio omnis, vel potestas in consecratione collata auferri potest per Papam, præter Sacramentalem. Res sacre an possint in profanos usus converteri auctoritate Episcoporum, ibid.
- Ordinis potestas remanet in Episcopo etiam de graduato.
- Intellectus, c. Cleros, 21. dist.
- Gradus appellacione quid veniat.
- Intellectus, c. Perlectis, 25. dist.









Ordinis non sint distincti. Quia igitur in Episcopo cumulantur due distincte potestates, & duo caracteres, id est Episcopalis, & Sacerdotalis, quorum unus necessario in-

cludit alium, propterea Episcopus simpliciter, & absolute dicitur in eminentiori statu constitutus, quam simplex Sacerdos.

DE ÆTATE ET QUALITATE, ET ORDINE PRÆFICIENDORUM.

Ex Concilio Pislaven.

CAPUTI.

UT Abbates, Decani, Præpositi, qui Presbyteri non sunt, Presbyteri fiant: qui Archidiaconatus tenent, Diaconi: qui verò Archipresbyteratus, Presbyteri aut amittant honorem. Quod si aliquâ iustâ causâ prohibente, Presbyteri, aut Diaconi esse non potuerint, Prælaturas amittant.

SUMMARIUM.

- Beneficiis per privationem beneficii arctantur ad ordines sumendos, quos beneficia requirunt.
Dignitates, Abbatis, Decanatus, Præpositura, & Archipresbyteratus de jure annexum habent ordinem Sacerdotalem.
Et quid post Concilium Tridentinum, num. 8. & seqq.
Abbas an debeat prius benedici, an in Presbyterum ordinari.
Archipresbyter habet curam animarum; & idcirco debet in Presbyterum ordinari.
Dignitates omnes, quibus animarum cura nulla subest, hodie obtineri possunt in vigesimo secundo anno completo, ac prius non sunt Presbyterales.
Archimandrita idem est quod Abbas.
Ordines sacros Episcopus in vim Concilii Tridentini annectere non potest Dignitatibus, sed Canonicatibus, & Portionibus tantum.
Abbas de jure antiquo esse poterat etiam in minoribus ordinibus constitutus, quoniam in eodem & laicus.
Ordo annexus beneficio non requiritur contemporaneè in ipso actu collationis.
Declaturat, num. 11.
Capellania Sacerdotalis in Cathedrali obtineri potest in vigesimo quarto anno inchoato.
Parochialis vultuè conferri non potest ei, qui annum vigesimum quintum non attingerit, ibidem.
Archidiaconatus de jure annexum habet ordinem Diaconatus.
Sed ex jure, ubi est prima dignitas post Pontificalem, requirit ordinem Presbyteratus.
Abbas, Decani, Præpositi, Archidiaconi, & Archipresbyteri sunt Prælati.
Abbas, an & qualis sit dignitas.
Et an comprehendatur in cap. Licet, il. primo de præben. lib. 6.
Abbas titularis, vel habentes usum Mitre in Sinodis Provincialibus præcedant Commendatarios.
In Concilio Tridentino sedebant immediate post Episcopos.
Abbas Clavallensis in Concilio Tridentino sedet inter Abbates primus, ibidem.
Generales Ordinum in Concilio Tridentino post Abbates collocati fuerunt, & inter hos primus Generalis ordinis Prædicatorum.
Decanus est honorabilior de Capitulo.
Decanatus an sit dignitas, & num. seqq.
Decanus non est de Capitulo, nisi sit etiam Canonicus, vel hoc habeat consuetudo.
Præpositi & Decani rurales non habent dignitatem.
Præpositura an sit dignitas.
Præpositi in Germania, Belgio & Polonia dignitatem habent, & alicubi jurisdictionem & curam animarum.
Archidiaconus de jure est prima dignitas post Pontificalem & caput Capituli.

- Et ad eum spectat Capitulum convocare.
An si renaritur, cogi potest ab Ordinario.
Capitulum convocare de consuetudine spectat ad Decanum, ibidem.
Archidiaconatus dignitas an sit major Abbati, vel à converso, & num. 31.
Archipresbyter an sit major Archidiacono, remissit, & n. seqq.
Ordo litterarum non est attendendus, quando ex aliis juribus apparet varius, & iocusus.
Decanus an sit major præpositus, vel à contra, ibid.
Impeditur ex iusta causa suscipere ordinem suo beneficio annexo: quomodo non sit ipso jure beneficio privatus, tamen privari debet.
Quod procedit si culpa sua ad talem statum pervenit, ut promoveri non possit, alias locus.
Item procedit in eo qui impedimentum prius contractum in ordinatione sua subicit.
Infirmitas præbet iustam causam excusationis à privatione beneficii ob non promotionem ad ordinem, licet ex propria culpa provenierit.
Beneficium Sacerdotale an requiratur, ut quis actu sit Presbyter tempore collationis, an vero sufficiat aptitudo.
Latiè dicitur usque ad num. 60.
Quid sit Ecclesia sit Parochialis.
Quid in dignitate Curata, & Collegiata Ecclesia etiam Parochialis.
Quid sit dignitas non curata.
Et quid in Canonicatibus præbendis, aut portionibus Presbyteratus in Cathedrali, vel Collegiata Ecclesia.
Beneficia simplicia de jure communi non habent certos ordines annexos, sed ad illa obtinenda sufficit prima Clericalis tonsura.
Aliquando tamen habent ordines annexos ex fundatione, privilegio, consuetudine, vel statuto.
Ordinum annexio duplex.
Ordinis annexio respectu actus requirit ordinem in ipso actu collationis Beneficii, alias non tenet collatio.
Episcopatus habet annexum ordinem Diaconatus respectu actus, majores vero respectu aptitudinis.
Commenda Parochialis Ecclesia fieri non potest, nisi actu Sacerdoti.
Ordinis annexio respectu aptitudinis non requirit, ut quis habeat ordinem annexum tempore collationis, sed satis est, ut infra tempus à jure præfixum se faciat promoveri.
Expectans Apostolicus, an possit acceptare præbendam cui respectu actus annexus est ordo Sacerdotalis si actu non sit Sacerdos.
Fundationi Beneficii per clausulas generales Papa non censetur derogare.
Ordinis annexio respectu aptitudinis non requirit aetatem ordinis in ipso actu collationis, sed satis est, ut provi-

visus sit in ea ætate, ut infra annum promoveri possit & num. seqq.

- Capella, in cuius fundatione cautum est, ut Capellanus per seipsum Missas celebrare teneatur, conferri potest simplici Clerico, in ea tamen ætate constituto, ut infra annum possit in Presbyterum ordinari.
Capellania in Cathedrali, quarum Capellani à Capitulo electi, teneant Missas Conventuales canere & divinis interesse sunt sacerdotales aptitudinis.
Ordinis annexio, an & quando censetur facta respectu actus, vel respectu aptitudinis & num. seqq. usque ad num. 60.
Exempla annexionis ordinis respectu actus & num. seqq.
Qualitas adjuncta verbo intelligitur secundum tempus verbi, id est in ipso actu initio.
Gerendum undè dicitur, & quàm vim habeat.
Ordo quibus casibus censetur beneficio annexus respectu aptitudinis.
Beneficia sacerdotalia regulariter non requirunt sacerdotem actu, sed aptitudinem.
Capellania, cui est annexus ordo Missarum celebrandarum, an sit sacerdotalis, anve Capellanus teneatur per seipsum Missas celebrare, & num. seqq. usque ad num. 80.
Beneficium sacerdotale quod dicitur.
Capellania ea lege erecta, ut Capellanus teneatur Missas celebrare, & in divinis deservire, non est sacerdotalis, & conferri potest Clerico quatuordecim annorum, & num. 66. & 70.
Beneficia simplicia ex generali consuetudine personali residentiam non requirunt, & num. 74. & 77.
Verbo, Missas, vel divina officia celebret, aut in divinis deserviat, non importat personale servitium, & num. 66. 70. 73. & 74.
Declaratur, num. 88. 97. 100. & 102.
Capellanium obtinens non tenetur sacros ordines suscipere, sed Missarum oneri potest per alium satisfacere, nisi in fundatione cautum sit, ut per seipsum celebret.
Beneficium ea lege erectum, ut præbendarius singulis diebus teneatur Missas celebrare, & divinis officiis interesse, non est sacerdotale.
Capellania sic instituta, ut Capellanus quotidie Missam celebret, & si negligens fuerit, certam penam incurrat, non requirit personale residentiam.
Item si cautum sit, ut domus pro Capellano edificetur, ubi habitet, & serviat divinis; alioquin amoveri possit.
Capella sic ordinata, ut eligatur idoneus Capellanus Presbyter, qui Missam celebret, est sacerdotalis, sed Capellanus non tenetur inservire per seipsum.
Declaratur, num. 79.
Capellania in Cathedrali Ecclesia sic fundata, ut Capellanus debeat celebrare divinis, nocturne divinum officium, non requirit; ut Capellanus debeat esse Presbyter.
Officii divini celebratio non refertur ad celebrationem Missæ, ibidem.
Declaratur, num. 82. & seqq.
Capellanium non requiritur servitium personale declaratur ex observantia subiecta, & num. 99.
Capellano habenti onus per seipsum celebrandi Missas in Ecclesia à Testatore destinata, potius indulgetur, ut celebret in eadem Ecclesia per substitutum, quàm alibi per seipsum, ibi. vers. Nec advertatur.
Capellanus teneatur per seipsum Missas celebrare, si id verbis expressis, aut equipollentibus cautum fuerit in fundatione Capellania.
Legatus simplex cum onere assumendi ordinem sacerdotalem, & Missas celebrandi nullâ ætate Ordinarii institutione.
Residentia personalis, & obligatio Missas celebrandi, &

inferendi persisum in Capelli, & beneficiis simplicibus, quibus casibus censetur inducta ex sententia S. Congregationis Concilii.

- Capellanus, & beneficiarius Sacerdotalis obtinens in Cathedralibus, & Collegiatis Ecclesiis teneatur Missas celebrare, & onera adimplere per seipsum, & num. seqq.
Capellania erecta in Cathedrali, vel Collegiata Ecclesia cum onere Missarum celebrandarum non comprehenduntur in decreto Concilii Tridentini cap. 4. tell. 22. nisi ordinem annexum habeant, & n. 90.
Beneficia obtinentes in Cathedralibus, & Collegiatis capelli debent divina officia celebrare per seipsum, & num. seqq.
Missæ conventuales, quomodo non sit de horis, est tamen de officio, & num. seqq.
Intellectus cap. De his 12. dist.
Distributiones quotidiane assignantur pro Missa Conventuali, sicut pro horis.
Beneficia obtinentes in Cathedrali, vel Collegiata cum onere inferendi divinis, teneatur interesse Missæ Conventuali, sed non illam celebrare, nisi beneficia sint Sacerdotalia, & num. seqq.
Intellectus. c. Cùm tractatur de celebr. Missar.
Capellam obtinens, an & quando teneatur esse Presbyter, & Missas, ac divina officia celebrare per seipsum compendiosa distinctio.
Verba, divinis inservire, aut interesse in Cathedrali, vel Collegiata Ecclesia important servitium Chori, quod adimpleri non potest per substitutum, & num. 37. 100. 103. & 105.
Capella sic fundata in Collegiata Ecclesia, ut illam obtinens obligatus sit in dicta Ecclesia Missas dicere, etque in divinis deservire, an requirit, ut Capellanus hac munia expleat persisum, & num. seqq. usque in finem.
Capellania cum onere inferendi choro, requirit personale servitium.
Manjoraria, & alia beneficia, quibus est annexum servitium chori, comprehenduntur in cap. 12. vers. Præterea sess. 24. Concilii Tridentini.
Capellania quibus incumbit onus celebrandi Missas, & choro inferendi, non sunt comparabiles cum Canonicatibus, & Parochialibus, quomodo per eorum Constitutiones licet servire per substitutum.
Capellania Cathedralis Ecclesia, quarum redditus in distributionibus quotidianis consistunt, personalem residentiam requirunt.
Capella etiam in Collegiata non dicitur Sacerdotalis ex eo, quod cautum sit in fundatione, ut Capellanus teneatur Missas celebrare.
Capellania extra Cathedraliam, vel Collegiata Ecclesiam ea lege erecta, ut Capellanus teneatur in divinis deservire, non requirit servitium personale.
Fundator beneficii in dubio censetur servasse ad universalem consuetudinem.
Observantia plurimam valet ad cognoscendam qualitatem beneficii.
Residentia intelligitur de personali ex vulgari modo loquendi eorum, qui fundant Capellania in Cathedralibus, & Collegiatis.
Verba residentiam, content, intercedit, sunt equipollentia.
Capellania cum onere inferendi officii in Cathedrali, vel Collegiata requirit personale servitium.
Capellania cum onere Missas, & divina officia celebrandi quarum redditus distribuuntur inter presentes, requirunt residentiam juxta formam Concilii non obstante contraria consuetudine.
Verba, deservire in divinis, intelligenda sunt secundum subiectam materiam.
Divina officia non requirunt ordinem Sacerdotalem.
Consuetudo an possit immutare statum beneficii.

UT Abbates. Per privationem beneficii arctantur beneficii ad ordines sumendos, quos beneficia requirunt. Hoc dicit & sunt due partes. Prima loquitur, cum quis potest & non vult. Secunda est contra, cum vult & non potest, ibi, Quod si.

Nota primo quatuor Dignitates, quæ de jure communi annexum habent ordinem Presbyteratus, videlicet Abbatiam, Decanatum, præposituram, & Archipresbyteratum. Quoad Abbates, si hoc intelligatur de Conventualibus, planum est, cum quia solemniter benedicuntur, ut in cap. 1. supra de sup. plen. negligens. Prælat. & ita necessario debent esse Presbyteri, si ve loquamur opinionem Hostien. hic Re in e. Cùm inter infra de re judic. Volentis, ut prius debent esse Presbyteri, ac deinde benedici: si ve loquamur opinionem Collectiani hic in princip. sententia esse benedicendos ante Presbyteratum ex hac littera, quæ de Abbatibus loquitur: nam ante benedictionem non videntur Abbates in d. e. 1. Tum quia minores ordines conferunt, id quæ prætare nequeunt, nisi sint benedicti, & Presbyteri, ut in e. Quoniam 69. dist. 8. in c. Cùm in contingat infra eod. Tum denique, quia curam habent animarum saltem respectu Monachorum suorum, cap. Nullam 18. q. 2. cap. Cùm ad Monasterium infra de statu Monach. & notat Abb. in cap. Cùm in cunctis num. 4. vers. Sed ego non video supra de elect. Et idem de Archipresbyteris; nam & ipsi de jure communi cura animarum incumbit, capite 1. ibi curam gerentem animarum & per tot. infra de offic. Archipresb. Unde absque dubio promoveri debent ad ordinem Sacerdotalem, ut in d. e. cùm in cunctis, §. Inferiora, & in Clem. Ne in agro, §. Ceterum de statu Monach. Verum si hæc littera intelligatur de Abbatibus Titularibus cura & conventu carentibus, quales sunt in aliquibus religionibus, ut per Abb. conf. 101. In questione num. 1. vers. Nam Papa lib. X 4